

186
20
24

東 京 圖 書 館

漢書門

正史類

七函

架

奎

二册

綱鑑精采

八



綱鑑精采卷之八

後漢紀

昭烈皇帝

名備字玄德涿郡人漢景帝子中山靖王之後獻帝末累官至益州牧及

在位三年而崩壽六十三葬惠陵

章武元年

辛丑二月初二年

蜀中傳言漢帝已遇害於

是漢中王發喪制服謚曰孝愍皇帝四月即帝

位于武擔之南

武擔山名在成都府

以諸葛亮為丞相許

靖為司徒

東周

尹遂昌曰三代而下惟漢得天下而正至桓
靈不君董卓煽禍英雄群起而攻之卓既誅
戮則天下固漢之天下曹操乘時擅命脅制
天子戕殺國母義士為之歎憤苟有一夫唱
義於天下皆君子之所予况於堂堂帝室之
胄英名蓋世者乎不既篡立漢祀无主昭烈
正位蜀漢親承大統名正言順本无可疑自
陳壽志三國全以天子之制予魏而以列國
待漢故通鑑因之以魏紀年綱目始以昭
烈承獻帝之後紹漢遺統取春秋之義以示
天下萬世
之正論也

立宗廟、禘祭高皇帝以下。○五月立夫人吳氏
為皇后，子禪為皇太子。吳氏將軍吳懿之○帝
耻關羽之沒，將擊孫權，群臣諫者甚眾，帝皆不

聽。車騎將軍張飛雄壯威猛，亞於關羽，羽善待
卒伍，而驕於士大夫。飛愛禮君子，而不恤軍人。
帝常戒飛曰：「卿用殺既過，又日鞭撻健兒，而今
在左右，此取禍之道也。」飛猶不悛。帝將伐孫權，
飛當率兵萬人自閬州會江州，臨發，其帳下張
達、范疆殺飛，以其首順流奔孫權。帝聞飛營都
督有表曰：「噫，飛死矣。」帝自率諸軍擊孫權。權
遣使稱臣于魏。劉曄曰：「權無故來降，必內有急，
有急相救，此小國之利也。」宜大興師徑渡江襲

要見吳之所以臣於魏者為其化于蜀也江東諸賢倘有見微知著之識則當權結好于劉

之魏王曰人臣稱降而伐之疑天下欲來者心遂受吳降遣太常邢貞奉策即拜孫權為吳王貞至吳入門不下車張昭謂貞曰夫禮無不敬法無不肅而君敢自尊大豈以江南寡弱無方寸之刃乎貞乃下車中郎將徐盛忿憤顧謂同列曰盛等不能為國家并許洛吞巴蜀而今吾君與負盟不亦辱乎因涕泣橫流貞聞之謂其從曰江東將相如此非久下人者也吳王遣中大夫趙咨入謝魏王丕問咨曰吳王何等主也

可也徒耻亦何為耶

對曰聰明仁智雄略之主也魏主問其狀對曰納魯肅於凡品是其聰也拔呂蒙於行陣是其明也獲于禁而不害是其仁也取荊州兵不血刃是其智也據三州虎視於天下是其雄也屈身於陛下是其畧也丕曰吳王頗知學乎咨曰吳王浮江萬艘帶甲百萬任賢使能志存經畧雖有餘閒博覽經傳歷史籍采奇異不效書生尋章摘句而已丕曰吳可征否對曰大國有征伐之兵小國有備禦之固丕曰吳如大夫者幾

人對曰聰明特達者八九十人如臣之比車載
斗量不可勝數

二年壬寅○魏黃初三年帝自巫峽建平連營

至夷陵界立數十屯與吳相拒數月吳將陸遜

連破四十餘營帝夜遁初諸葛亮與尚書令法

正好尚不同而以公義相取亮每奇正智術及

帝伐吳而敗時正已卒亮嘆曰孝直法正若在

必能制主上東行就使東行必不傾危矣

胡致堂曰漢王與關羽久要深契既為吳所禽若不為報仇君臣之分不終矣然命一二

將東出可也乃以萬乘之重崎嶇山谷間持敵逾半年卒為晚生新進所困是行也諸葛公不諫何必玄德志意已定有非言辭所能止者杜甫以吞吳為孔明遺恨諒哉

三年癸卯○帝禪建興元年○魏黃初四年○吳黃武二年初魏主丕問

賈詡曰吾欲伐不從命以一天下吳蜀何先對

曰攻取者先兵權建本者先德化陛下應期受

禪撫臨率土若綏之以文德而俟其變則平之

不難矣吳蜀雖蕞爾小國依山阻水劉備有雄

才諸葛亮善治國孫權識虛實陸遜見兵勢據

險守要汎舟江湖皆難卒謀也用兵之道先勝

後戰量敵論將故舉無遺策臣竊料群臣無備
權對雖以天威臨之未見萬全之勢也不納
軍竟無功○吳太子登立權選四人待以布衣
之禮諸葛恪張休顧譚陳表謂之四友○帝病
篤命丞相亮輔太子謂曰君才十倍曹丕必能
安國終定大事若嗣子可輔輔之如其不才君
可自取亮涕泣曰臣敢不竭股肱之力效忠貞
之節繼之以死又為詔敕太子曰勉之勉之勿
以惡小而為之勿以善小而不為惟德惟賢可

以服人汝父德薄不足效也汝與丞相從事事

之如父四月帝崩於永安亮奉喪還成都

胡致堂曰曹操至病亾子孫滿前嘔涕泣
留連妾婦分香賣履區處衣物平生奸偽死
乃盡見方之玄德治命無一語及私豈不猶
蔓草之與長松乎先生語禪曰勿以惡小而
為之勿以善小而不為惟賢惟德
可以服人旨哉此言皆可師法

太子禪即位封丞相亮為武鄉侯武鄉漢
之縣名領益

州牧政無巨細咸決於亮亮乃約官職脩法制

亮語群下曰夫參署者集眾思廣忠益也若遠

小嫌難相違覆曠闕損矣違覆而得中猶棄敝

躋而獲珠玉，然人心苦不能盡。惟徐元直處茲不惑，又董幼宰參署七年，事有不至，至於十反來相啓告，苟能慕元直之十反，幼宰之勤渠，有忠於國，則亮可少過矣。又曰：昔初交崔州平，屢聞得失，後交徐元直，勤見啓誨。董幼宰每言則盡，胡偉度數有諫止，雖資性鄙暗，不能悉納。與此四子終始好合，亦足以明其不疑于直言也。又嘗自校簿書，主簿楊顛直入諫曰：爲治有體，上下不可相侵，是故古人稱坐而論道，謂之三

要見亮非不知
爲治之妙特以
愛國基於愛身
故不能已於自
役如此

公作而行之，謂之士大夫，故丙吉不問橫道死人而憂牛喘，陳平不肯知錢穀之數，云自有主者，彼誠達於位分之體也。今明公爲治，乃躬自校簿書，流汗終日，不亦勞乎？亮謝之。及顛卒，亮垂涕三日。○魏三公無事，希與朝政。廷尉高柔上疏曰：公輔國之棟梁，而不使知政，非朝廷崇用大臣，獻可替否之義也。○八月，遣尚書鄧芝修好於吳王，曰：孤誠願與蜀和親，然恐蜀王幼弱，國小勢偪，爲魏所乘，不保全耳。芝對曰：大王

要見二國輯和
共為唇齒之勢
則魏決難得志
于天下矣芝之
言深明形勢故
能致連和之好
也

命世之英諸葛亮亦一時之豪傑也蜀有重險
之固吳有三江之阻合此二長共為唇齒進可
兼并天下退可鼎足而立大王今若委質於魏
魏必上望大王之入朝下求太子之內侍若不
從命則奉辭伐叛蜀亦順流見可而進如此江
南之地非復大王之有也吳遂絕魏專與漢連
和○立張氏為皇后飛之女也○吳以顧雍為丞相
雍為人寡言舉動當時權常嘆曰顧公不言言
必有中雍初領尚書令封侯還而家人不知及

為相所用文武吏各隨其能心無適莫

後皇帝

名禪昭烈帝太子在位四十年晉武帝
遣將入寇帝出降晉封為安樂公以太

始七年薨
壽六十五

建興三年

乙巳○魏黃初六年丞相亮率眾討雍
年○吳黃武四年

闔

益州雍闔殺太守使郡人孟
獲扇誘諸夷泮柯越雋皆叛參軍馬謖送之

曰用兵之道攻心為上攻城為下心戰為上兵
戰為下願公服其心而已亮納其言亮至南中
所在戰捷由越雋入斬雍闔孟獲收闔餘眾以
拒亮獲素為夷漢所服亮募生致之既得使觀

於營陳間獲曰向者不知虛實故敗今祇如此
卽易勝耳亮笑縱使更戰七從七禽而亮猶遣
獲獲止不去曰公天威也南人不復反矣○亮
平南中用其渠帥或諫之亮曰留外人則當留
兵留兵則無所食一不易也留外人而無兵又
成禍患二不易也又夷累有廢殺之罪自嫌舉
重留外人終不相信三不易也於是悉收孟獲
等以爲官屬○魏主丕以舟師自譙循渦入淮
至廣陵臨江觀兵吳人嚴兵固守時太寒冰舟
不得入江丕見波濤洶湧歎曰嗟呼固天所以
限南北也乃引還

四年

丙午○魏黃初七年魏主丕殂太子叡立○

初郭后無子魏主丕使母養平原王叡叡之母
被殺故未建爲嗣後丕與叡獵見子母鹿丕旣
射其母命叡射其子叡泣曰陛下已殺其母臣
不忍又殺其子丕惻然及疾篤立爲太子

五年

丁未○魏明帝曹叡太和元年○吳黃武六年丞相亮率諸軍北

伐魏臨發上疏曰先帝創業未半而中道崩殂

今天下三分、益州疲敝、此誠危急存亡之秋也。然侍衛之臣不懈於內、忠志之士忘身於外者、蓋追先帝之殊遇、欲報之於陛下也。誠宜開張聖聽、以光先帝遺德、恢弘志士之氣、不宜妄自菲薄、引喻失義、以塞忠諫之路。親賢臣、遠小人、此先漢所以興隆也。親小人、遠賢臣、此後漢所以傾頹也。先帝在時、每與臣論此事、未嘗不歎息痛恨於桓、靈。臣本布衣、躬耕南陽、苟全性命於亂世、不求聞達於諸侯。先帝不以臣卑鄙、猥

自枉屈、三顧臣於草廬之中、諮臣以當世之事、由是感激、遂許先帝、以驅馳。後值傾覆、受任於敗軍之際、奉命於危難之間、爾來二十有一年矣。先帝知臣謹慎、故臨崩寄以大事、受命以來、夙夜憂懼、恐付託不效、以傷先帝之明。故五月渡瀘、深入不毛。謂不生草之地也。今南方已定、兵甲已足、當獎率三軍、北定中原、興復漢室、還于舊都。此臣所以報先帝而忠陛下之職分也。至於斟酌損益、進盡忠言、則攸之禕、允之任也。陛下亦

宜自謀以諮諏善道察納雅言深追先帝遺詔臣不勝受恩感激今當遠離臨表涕零不知所言遂行○諸葛亮辟廣漢太守姚伷為掾伷並進文武之士亮稱之曰忠益莫大於進人而進人者各務其所尚今姚掾並荐剛柔可謂博雅矣

六年

戊申○魏太和二年○吳黃武七年

初魏以夏侯楙鎮長安

至是丞相亮將伐魏與群下謀之魏延曰夏侯怯而無謀今假延精兵五千直從褒中出循秦

嶺而東當子午而北

長安山名秦嶺谷名子午

不過十日可

到長安而公從斜谷來亦足以達如此則一舉而咸陽以西可定矣亮以此為詭計不用○亮身率大軍攻祁山魏以漢昭烈既崩數歲寂然無聞是以畧無備豫而卒聞亮出朝野恐懼於是天水南安安定皆叛應亮關中響震魏主遣張郃督兵五萬西拒亮亮以參軍馬謖督諸軍在前與張郃戰于街亭謖違亮節度舍水上山張郃絕其汲道擊破之亮進無所據乃拔西縣

千餘家還漢中，收謾下獄殺之。亮自臨祭，為之流涕，撫其遺孤。恩若平生。於是考微勞，甄壯烈，引咎責躬，布所失於境內，厲兵講武，以為後圖。初謾為越雋太守，才器過人，好論軍計。亮深加器異，照烈臨終謂亮曰：「馬謖言過其實，不可大用。君其察之，至是果敗。」

胡致堂曰：先主孔明器識相上，下一時遇合，真君臣也。先主能因水鑑以知臥龍，可謂超世之見矣。而失於蔣琬、龐統、孔明器使，群才各盡其用而失於馬謖，故知人之難。亮舜猶病也，惟不護己短，不庇私交，大明賞罰，馬謖雖死而無怨，此則人之所難也。

吳主使都陽太守周魴遣人訪揚州都督曹休言，欲以郡降。休率步騎十萬以應魴。為陸遜所敗而還。丞相亮聞曹休敗，欲出擊魏。上言於帝曰：「先帝深慮以漢賊不兩立，王業不偏安，故託臣以討賊。以先帝之明，量臣之才，固當知臣伐賊才弱敵強，然不伐賊，王業亦亾，惟坐而待亾，孰與伐之。今賊適疲於西，又務於東，兵法乘勞，此進趨之時也。且高帝明並日月，謀臣淵深，然涉險被創，危然後安。又曰：臣鞠躬盡力，死而後

已至於成敗利鈍非臣之明所能逆覩也遂引兵出散關圍陳倉陳倉已有備亮不能克魏召張郃于方城使擊亮未至亮糧盡引去將軍王雙追之亮擊斬雙

七年

已酉○魏太和三年○吳黃龍元年

吳王襲皇帝位遷都建

業○劉廙嘗著先刑後禮論同郡謝景稱之於遜遜呵景曰禮之長於刑久矣廙之談不須講也太子與西陵都督步騭書求見啓誨騭上疏曰人君不親小事使百官有司各任其職故舜

命九賢則無所用心不下廟堂而天下治賢人所在折衝萬里信國家之利器崇替之所由也願重以經意則天下幸甚○魏諸葛誕鄧颺等結為黨友更相題表以夏侯玄等為四聰誕輩為八達中書監劉放子熙中書令孫資子密吏部尚書衛臻子烈以父居執位容之為三豫行司徒事董昭上疏曰凡有天下者莫不貴樸忠之士竊見當今合黨連群互相褒歎此皆法之所不取也魏主叡善其言

八年庚戌○魏太和四年丞相亮以蔣琬為長史

亮數外出琬嘗足兵食以相供給亮每言公琰

蔣琬字託志忠雅當與吾共贊王業者也

九年辛亥○魏太和五年丞相亮伐魏圍祁山魏

遣司馬懿督將軍張郃等以禦之懿斂軍依險

不肯戰賈詡魏平曰公畏蜀如虎奈天下笑何

懿病之乃出戰魏兵大敗亮以糧盡退軍懿遣

張郃追之郃中伏弩而卒○初亮攻祁山命李

平以中都護署府事督糧以供亮軍前後手書

本末違錯於是亮表其過惡免官削爵土徙梓

潼郡又與蔣琬董允書曰孝起陳震前為吾說

正方李平腹中有鱗甲不圖復有蘇張之事也

十一年癸丑○魏青龍元年丞相亮勸農講武作

木牛流馬運米集斜谷口治斜谷邸閣息民休

士三年而後用之

十二年甲寅○魏青龍二年丞相亮率大衆十萬

由斜谷伐魏遣使約吳同時大舉亮至郿軍於

渭水之南司馬懿引軍渡渭背水為壘以拒之

謂諸將曰亮若出武功依山而陳誠為可憂而西止五丈原諸將無事矣亮果屯五丈原亮以前者數出皆以運糧不繼使已志不伸乃分屯田為久駐之基耕者雜於渭濱居民之間而百姓安堵軍無私焉

胡致堂曰司馬懿之言譎也實畏孔明屯五丈原又憚於逆擊故為此語以安其下爾孔明此舉蓋不復為退計矣親統大軍入他境久駐而魏師不敢攻雜耕而居民無苦三代之兵若時兩孔明其庶幾矣

懿與亮相守百餘日亮數挑戰懿不出亮乃遺

懿巾幘巾幘婦人喪服也遺之以此者鄙其無丈夫之志婦人之服懿

怒上表請戰亮曰彼本無戰情所以請戰者以

示武於其眾耳亮遣使者至懿軍懿問其寢食

及事之煩簡不問戎事使者對曰諸葛公夙興

夜寐罰二十以上皆親覽焉所噉食不至數升

懿告人曰諸葛孔明食少事煩其能久乎○亮

病篤帝使尚書僕射李福省侍因諮以國家大

計亮曰公所問者公琰其宜也福復請蔣琬之

後誰可任亮曰文偉費禕字可以繼之又問其次

不交戰而較其能惟觀其以幸其敗此見懿之奸雄矣

亮不答。是月亮卒于軍中。長史楊儀整軍而出。百姓犇告司馬懿。懿追之。姜維令儀反旗鳴鼓。若將向懿者。懿歛軍退。不敢逼。於是儀結陳而去。入谷。然後發喪。百姓為之諺曰：死諸葛，走生仲達。懿之字懿聞之，笑曰：吾能料生，不能料死。故也。亮嘗推演兵法，作八陣圖。以天地風雲為四正，以龍虎鳥蛇為四奇。每以二陣相從，一陣之中，又有兩陣。一戰一守，中外有輕重之權，陰陽有剛柔之節。彼此有虛實之地，主客有先後之數也。至是，懿案行亮之營壘處所，嘆曰：天下奇才也。追至赤升，不及而還。○費禕

使吳。吳主權曰：楊儀、魏延、牧豎小人，後必為亂。禕曰：功以才成，業以才廣。若防其後患，舍而不_用，是猶備風濤而逆廢舟楫，非長計也。○諸軍還成都，謚諸葛亮曰忠武侯。丞相長史張裔稱亮曰：公賞不遺遠，罰不阿近，爵不可以無功取，刑不可以貴勢免。此賢愚之所以僉忘其身者也。○初，長水校尉官名廖立自謂才名宜為諸葛亮之副，嘗以職位游散，怏怏怨謗。無已，亮廢立為民。徙之汶山。及亮卒，立垂泣曰：吾終為左社。

矣李平聞之亦發病死平常冀亮復收已得自補復策後人不能故也○帝以丞相長史蔣琬為尚書令總紘國事時新喪元帥遠近危悚琬處群僚之右既無戚容又無喜色神守舉正有如平日由是眾望漸服

十四年

丙辰○魏青龍四年
年○吳嘉禾五年

魏主叡又欲平北

作臺觀以望孟津王基上疏曰古人以水喻民曰水所以載舟亦所以覆舟顏淵曰東野之御馬力盡矣而求進不已殆將敗矣今工役勞苦

男女離曠願陛下深察東野之敝留意舟水之喻漢文之時唯有同姓諸侯賈誼憂之今寇賊未殄猛將勇兵使賈誼復起必深切於曩時矣

○魏詔公卿舉才德兼備者各一人司馬懿以兗州刺史王和應選和為人謹厚名其兒子曰默曰沈名其子曰渾曰深為書戒之曰吾以四者為名欲使汝曹顧名思義不敢違越也夫物速成則疾亡晚就則善終朝華之草夕而零落松柏之茂隆寒不衰是以君子戒於闕黨也夫

能屈以爲伸、讓以爲得、弱以爲彊、鮮不遂矣。夫毀譽者、愛惡之原、而禍福之機也。人或毀已、當退而求之於身、若已有可毀之行、則彼言當矣。若已無可毀之行、則彼言妄矣。當則無怨於彼、妄則無害於身。又何反報焉。諺曰：救寒莫如重裘、止謗莫如自修。斯言信矣。○廉昭以才能得幸、好發摘群臣細過、以媚上。杜恕上疏曰：陛下憂勞萬幾、而庶事不康、原其所由、臣以爲忠臣不必親、親臣不必忠也。○魏主叡嘗問陳矯曰：司馬公忠貞、可謂社稷之臣乎。矯對曰：朝廷之望也、社稷未之知也。○魏主叡深疾浮華之士、詔虞毓曰：選舉勿取有名、名如畫地作餅、不可啖也。毓對曰：名不足以致異人、而可以得常士、常士畏教慕善、然後有名、非所當疾也。

十五年

丁巳○魏景初元年○吳嘉禾六年

魏主叡詔散騎常侍

劉邵作考課法、邵作都官考課法七十二條、詔下百官議。崔林曰：考課之法存乎其人、若大臣能任其職、式是百辟、則孰敢不肅、烏在考課哉。

杜恕曰明試以功三考黜陟誠帝王之盛制也然歷六代而考績之法不著闕七聖而課試之文不垂語曰世有亂人而無亂法若使法可專任則唐虞不須稷契之佐殷周無貴伊呂之輔矣議久不決事竟不行

溫公曰為治之要莫先於用人而知人之道聖賢所難也是故求之於銜舉則愛憎競進而善惡混淆考之於功狀則巧詐橫生而真偽相冒要之本在於至公至明而已矣或曰考績之法唐虞所為京房劉邵述而修之耳烏可廢哉曰唐虞之官其居位也久其受任也專其立法也寬其責成也遠非若京房劉邵之法按其米塩之課責其旦夕之效也事

固有名同而實異者不可不察也考績非可行於唐虞而不行於漢魏由京房劉邵不得其本而奔趨其末故也

延熙二年己未○魏景初三年魏主叡寢疾司馬

懿入見魏主執其手曰吾以後事屬君君與曹

爽輔少子是日立齊王芳為皇太子叡尋殂芳

即位年八歲

四年辛酉○魏正始二年魏欲廣田畜穀於楊豫

之間鄧艾以為昔太祖破黃巾因為屯田積穀

許都以制四方今三隅已定事在淮南每大軍

出征運兵過半功費巨億陳蔡之間上下田良
可令淮北屯二萬人淮南屯三萬人十二分休
十分之中以二分番休息常有四萬人且田且守計除衆
費六七年間可積三千萬斛於淮上此則十萬
之衆五年食也以此乘吳乘伐也無不克矣太傅
懿善之是歲始開廣漕渠每東南有事大興軍
衆汎舟而下達于江淮資食有儲而無水害○
費禕識悟過人事無廢缺董允代禕始欲效之
旬日之中已多愆滯乃嘆曰人才相遠如此非

吾所及也○管寧卒於魏寧名行高潔人望之
者邈然若不可及即之熙熙和易能因事導人
於善人皆化服年八十四卒天下知與不知聞
之無不嗟嘆

六年癸亥○魏正始四年魏宗室曹罔上書曰古

之王者必建同姓以明親親必樹異姓以明賢
賢親疎並用故能保其社稷今州郡牧守皆跨
有千里兼軍武之任或比國數人或兄弟並據
而宗室子弟王空虛之地君不使之民曾無一

人間斲其間也斲雜與相維制非所以彊翰弱枝備萬一之虞也語曰百足之蟲至死不僵以其扶之者衆也此言雖小可以譬大罔欲以此論感寤曹爽爽不能用

八年乙丑○魏正始六年○吳丞相陸遜卒其子抗

年○吳赤烏八年為建武校尉代領其衆○大司馬蔣琬尚書令

董允皆卒允秉心公亮獻可替否帝甚憚之宦

官黃皓便僻佞慧帝愛之皓畏允不敢為非終

允之世皓位不過黃門丞費禕以陳祗代允為

侍中祗與皓相表裏皓始預政累遷至中常侍

操弄威柄終以覆國

十二年己巳○魏嘉平元年○吳赤烏十二年曹文叔妻夏侯令

女截耳斷鼻以守節其家人曰人生在世如輕

塵棲弱草何乃自苦如此令女曰吾聞仁者不

以盛衰改節義者不以存亡易心○魏何晏方

用事自以為一時才傑嘗為名士品目曰唯深

也故能通天下之志夏侯泰初是也唯幾也故

能成天下之務司馬子元是也唯神也故不疾

孟子平日未嘗言易而終身踐履皆是易故先儒曰孟子善用易然易之旨微

輅持術數之末耳何足以知易

而速不行而至吾聞其語未見其人蓋以自况也晏聞平原管輅明術數請與論易鄧颺在坐謂輅曰君自謂善易而語不及易中詞義何也輅曰夫善易者不言易也晏笑而贊之曰可謂要言不煩○魏大將軍爽用何晏鄧颺丁謚之謀遷太后於永寧宮專擅朝政多樹親黨屢改制度大傅懿不能禁與爽有隙稱疾不與政事陰與其子昭謀誅爽至是以皇太后令閉諸城門勒兵據武庫收爽晏颺等皆下獄劾以大逆

要見六經即聖人之心而以糟粕見之則禮樂刑政皆無用之物而天下之亂自此始矣

不道夷三族○魏管輅之舅謂輅曰爾前何以知何鄧之敗輅曰鄧之行步筋不束骨脉不制肉起立傾倚若無手足此為鬼躁何之視候則魂不守宅血不華色精爽煙浮容若槁木此為鬼幽二者皆非徼福之象也初晏好老莊之書與夏侯玄荀粲及王弼之徒競為清談祖尚虛無謂六經為聖人糟粕由是天下士大夫爭慕效之遂成風流不可復制焉

十四年辛未○魏嘉平三年魏司馬懿卒以其子

師為撫軍大將軍錄尚書事。○或問盧欽曰：徐邈當武帝之時，人以為通。自涼州刺史還，人為介，何也？欽曰：往者毛孝先、崔季珪用事，貴清素之士，時皆變易車服以求名，而徐公不改其常，故人以為通。比來天下奢靡相效，而徐公雅尚自若，故前日之通，乃今日之介也。是世人無常，而徐公有常耳。○孫峻薦諸葛恪可付大事，權召之，恪將行，呂岱戒之曰：世方多難，每事必十思，恪曰：季文子三思，子曰：再斯可矣。今君令恪十思，明恪之劣也。

虞喜曰：恪不善，呂岱之十思而卒死於凶，豎之刃費禕臨敵對，恭長寧以為不知臨事而懼，後卒為降人所害，二事体同，皆足為世戒也。

十五年壬申○魏嘉平四年吳建興元年吳主殂，子亮即位。

姜維負其才武，每欲興軍大舉，費禕常裁制不從。及禕死，維得行其志，乃將數萬人伐魏。

十六年癸酉○魏嘉平五年吳建興元年春三月，盜殺大將軍

費禕。初，姜維攻魏西平，獲中郎郭循，以為左將軍，循欲刺帝，不得近。至是，禕與諸將歡飲，循刺

殺之禕汎愛不疑待新附太過張疑嘗與書引
岑彭來歙為戒禕不從故及

十七年甲戌○魏正元元年魏大將軍師廢其主

芳迎高貴卿公髦即位髦文帝孫也

十八年乙亥○魏正元二年魏司馬師卒詔以弟

昭為大將軍錄尚書事

二十年丁丑○魏甘露二年姜維數出兵蜀人愁

苦譙周作仇國論以諷之

景耀元年戊寅○魏甘露三年魏封司馬昭為晉

公加九錫○吳孫琳廢吳主亮為會稽王迎立

瑯琊王休權中子也

三年庚辰○魏景元元年魏主髦見威權日去不

勝其忿曰司馬昭之心路人所知也吾不能坐

受廢辱今日當自出討之遂拔劍升輦率殿中

宿衛蒼頭官僮鼓譟而出昭黨中護軍賈充逆

與髦戰於南闕下太子舍人成濟抽戈刺髦殞

于車下追廢髦為庶人使中護軍司馬炎迎常

道公璜即皇帝位璜燕王字之子操之孫也

四年

辛巳○魏景元二年○吳永安四年魏譙郡嵇康文辭壯麗

好言老莊而尚奇任俠與陳留阮籍籍兄子咸

河內山濤河南向秀瑯琊王戎沛人劉伶特相

友善號竹林七賢皆崇尚虛無輕蔑禮法縱酒

昏酣遺落世事阮籍為步騎校尉其母卒籍方

與人圍棋對者求止籍留與決賭既而飲酒二

斗舉聲一號吐血數升毀瘠骨立居喪飲酒無

異平日劉伶嗜酒常乘鹿車携一壺酒使人荷

鍤隨之曰死便埋我當時士大夫皆以為賢爭

慕效之謂之放達鍾會方有寵於司馬昭聞嵇

康名而造之康箕踞而鍛箕踞傲坐伸兩足以
手按膝其形如箕也

不為之禮會將去康曰何所聞而來何所見而

去會曰聞所聞而來見所見而去會深銜之因
蓄康於司馬

昭昭殺之○魏司馬昭患姜維數北伐欲大舉入寇

朝臣多以為不可獨司隸校尉鍾會勸之昭喻

衆曰吳地廣大而下濕攻之用功最難先定巴

蜀三年之後因順流之勢水陸並進此滅虢取

虞之勢也乃以鍾會為鎮西將軍都督關中姜

維表帝聞鍾會治兵關中欲規進取宜並遣左
右車騎張翼廖化督諸軍分護陽安關口及陰
平之橋頭以防未然黃皓信巫鬼謂敵終不自
致廢帝寢其事群臣莫知

炎興元年癸未○魏景元四年○吳魏遣鄧艾

鍾會紆十餘萬衆趣漢中姜維列營守劔閣會
攻之不能克欲引還鄧艾上言漢兵摧折宜遂
乘之乃自陰平行無人之地七百餘里鑿山通
道改作橋閣山高谷深至為艱險艾以璽自畏

推轉而下將士皆攀木緣崖魚貫而進先登至
江油蜀守將馬邈降諸葛瞻督諸軍拒艾艾大
破之斬瞻○鄧艾之伐蜀衛瓘為監軍初艾入
江油欲斬田續而捨之未幾瓘陷艾使續殺之
瓘曰可以報江油之辱矣杜預聞之曰伯玉其
不免乎既無德音又無御下以正瓘聞之不俟
駕往謝杜預君子取瓘勇於受責○或問劉寔
曰鍾鄧其平蜀乎寔曰破蜀必矣而皆不還客
問其故寔笑而不答○漢人不意魏兵卒至不

為城守調度賦調用度聞艾已入平土百姓擾擾皆
進山野不可禁制譙周請降乃遣使奉璽綬詣
艾降北地王諶怒曰若理窮力屈禍敗將及便
當父子君臣背城一戰同死社稷以見先帝可
也奈何降乎帝不聽諶哭於昭烈之廟先殺妻
子而後自殺艾至成都帝面縛詣軍門降姜維
等得帝勅命亦降○魏之攻蜀也吳人或謂襄
陽張悌曰司馬氏得政以來大難屢作百姓未
服今又勞力遠征何以能克悌曰不然曹操雖

知攻蜀必克既
有料蜀之智又
嘆得蜀為我之
憂又有料吳之
明

功蓋中夏民畏其威而不懷其德也不叡承之
刑繁役重司馬懿父子除其煩苛而布其平惠
為之謀主而救其疾苦淮南三叛而腹心不擾
曹髦之死四方不動任賢使能各盡其心其根
本固矣奸計立矣今蜀闕官專朝國無政令因
危而伐殆無不克噫彼之得志我之憂也吳人
笑其言至是乃服○鄧艾既平蜀以書言於晉
公昭宜因平蜀之勢以乘吳昭使監軍衛瓘喻
艾事當須報不宜輒行艾重言曰春秋之義大

夫出疆有可以安社稷利國家專之可也今吳未賓勢與蜀連不可拘常以失事機鍾會內有異志乃與瓘密白艾有反狀○荀顛謂王祥曰晉王尊重相率而拜無疑也祥曰王公相去一階而已安有天子三公可輒拜人乎君子愛人以禮我不為也祥見司馬昭獨長揖昭曰今日知君見顧之重也

甲申魏咸熙元年○吳元興元年○凡二國魏詔以檻車徵艾赴

京師會所憚惟艾艾父子既禽會遂決意謀反

矯太后遺詔使會起兵廢司馬昭姜維欲使會

盡殺北來諸將已因殺會盡坑魏兵復立故漢

帝會眾兵作亂格斬姜維爭前殺會鄧艾本營

將士追出艾於檻車迎還衛瓘遣兵襲艾斬艾

父子○魏封故漢帝禪為安樂公○吳主休歿

其姪皓即皇帝位○晉王立子炎為太子

乙酉魏咸熙二年○吳甘露元年八月魏晉王昭卒子炎嗣

為晉王魏主尋禪位于晉王王即皇帝位奉魏

主為陳留王

186
20
24

綱鑑精采卷八終

綱鑑精采卷八

